

特 告

本社附設英文國語夜學研究所

啓者。本月十四日何君少海提議。請鍾君敏學于夜間課餘在本社會所教授英文。星期晚請吳君硯池教授國語。經決議實行。鍾君于英文一科。經歷有年。現在方言學堂英文甲班受業。并曾擔任育才文明各學堂教習。卒以過勞告退。現願每晚効力在本社擔當義務。吳君畢業南京陸軍學堂。學問淵深。國語一科。尤其所長。現在督練公所編譯科當委員。現由何君少海聘請在本社會所演教。國語。經承允肯。此我社員學英文國語之最好時機。况誼屬同人。質疑問難。收効自速。凡我同人有志英文國語者。請即到會所先行掛號。并如有親友欲學。亦請介紹是爲至望。此佈。

茲將英文簡章列左

(一宗旨) 此舉專爲我同人育才起見務以捷法教授使速能與外人直接應酬爲宗旨 (二所址) 是所即在本社會所內 (三科學) 串字 讀本 會話 文法 繙譯 作文 算學 (四學額) 是所擬收社外生二十五人本社同人則無定額 (五時間) 每晚自七點鐘起至九點鐘止 (六學費) 社外生每人每月收學費壹元五毫入學時先繳本社同人概免學費只收堂費二毫如熱心願照繳學費者聽 (七正音) 逢星期夜及例假夜均休講英文另演講正音 (八掛號) 同人欲入學雖先掛號按時上學以歸劃一俾易于教授如本所開學後始入社者欲習英文學費折半繳收不能概免如已投學英文而後入社者學費照繳

英文現已于本月二十二晚開學有志到學者務請即到掛號并介紹親友早到以免滿額見遺

爲望 國語擬于五月十三星期夜開演同人務請多到以表歡迎之意爲要此佈

正副社長謹白

公啓者。本社所埋均益會。定例每月第一星期開抽。茲屆第二會期緣因當日在座者未及五人。與原定章程不符。故改期第二星期開抽。茲照定章已于月之十四日開抽。所抽得者爲闕字號。查闕字號乃潘君仲達所投者。茲照章登佈通知潘君。請將會票繳交本社會計。取回會銀五元。作爲完會可也。此佈

社長謹白

敬啟者 第以遠避之故。不得已辭退各職。曾厚蒙正社長兩函挽留。及廣蒙同志感恩思挽。然皆諭知弟謀生重急。迄於終止惟有相見歔歔然矣。作日已將經手管理各事件。原交社長別延接理茲再將會文軒各總數登錄於後。其餘條目標貼會所。尙爲指正。有厚望焉。

弟蔡公復謹啓

●計開 一收入卷資榜費各共銀二十七兩零九分三厘。一支出卷資榜費各共銀一十三兩五錢八分一厘。一存拒現銀一十三兩五錢一分二厘。一存各號客賬共銀一十兩零零六分九厘。一欠各社客賬共銀一十五兩九錢一分三厘。一收支現存欠比對應溢利銀七兩六錢六分八厘。

## 社 聞

●四月十四例會情形 月之十四星期日。爲本社例會期。是日到者。鍾君敏學、李君笑演、吳君景山、朱君典五、周君寅初、劉君卓天、何君少海、盧君星樵、徐君季直、關君見池、是日何君少海提議一條。(一議現本社擬聘同人鍾君敏學。于夜間課餘在本社會所教授英文。同人到學不收學費。由本社謹備晚膳一餐暨椅桌各物。并請鍾君在會所宿夜。幫辦一切社事。惟任其兼收社外生。以彌補鍾君往返費用。可否之處。請衆議。) 決議如下。

# 協 羣 商 業 研 究 書

(衆議此舉同人受益良多。鍾君熱心担任教授。應從速通佈社員刻日開學。并請何君少海代爲擬定入學簡章。印刷分派社員。)

●四月廿一例會情形 月之廿一星期日。爲本社例會期。是日到者。何君少豪、葉君貴挺、朱君典五、李君君表、何君貫俠、盧君偉民、劉君卓天、何君少海、吳君景山、徐君焯南、是日何君少海提議一條。(一議會所管理員蔡君公服。函請告辭。赴外洋貿易。經社致長函挽留。蔡君再堅求退。應否准其告辭之處。請衆議。)決議如下。(衆議如蔡君堅辭。難阻其志。應另聘劉君卓天爲會所管理員。不常川。不支工食。着彭洛作爲庶務員。另雇一小工人每月支工食五元。以助庶務之不暇。每月由管理員分二次往會計處支取會所爲人工食。轉給庶務收支。以清權限。而節社費)

●人社二十九誌 茲楊君敏達。介紹周君法商。(別字器甫年三十五歲。順德桂洲鄉人。寓楊巷謙吉正頭號。郵寄全)入社。又岑君石衡。介紹張君迪涵。(別字仲棟。年三十歲。順德黃連鄉人。寓佛山普君墟廣豐油米號郵寄全)入社。又盧君君典。介紹盧君家萍。(別字約池。年二十歲。南海迴龍鄉人。寓佛山朝北街豐盛米號。郵寄全)入社。均經調查清楚。社長認可。照章妥交第一期基本金矣。

●入社調查 茲勞君沛然。擬介紹許君任常。(年三十歲。南海人。寓廣西藤縣太平墟。裕安襪貨號。郵寄全)入社。又擬介紹伍君卓英。(年三十八歲。新興縣人。寓廣西藤縣太平墟裕安襪貨號。郵寄全)入社。又擬介紹許君穎佳。(年三十五歲。南海人。寓廣西藤縣濠江墟裕豐隆蘇杭號。郵寄全)入社。又陳君柱廷擬介紹史君星煌。(別字東屏。年四十四歲。番禺縣人。現充梧州商務總會辦書記長事務)入社。又擬介紹李君濟。(別字梅屏。年五十歲。三水蓬村鄉人。現充廣西平碼行西席)入社。又擬介紹謝君季騰。(年二十七歲。

# 協 羣 商 業 研 究 書

新會縣人、寓梧州九坊街、惠安行、郵寄全、)入社。又擬介紹梁君恩甫。(年四十二歲、順德縣人、寓梧州華彰故衣店司事、郵寄全、)入社。又黃君清如。擬介譚君邇安。(別字祝平、年二十歲、南海梧村鄉人、寓餘慶里、敬誠絲號郵寄全、)入社。又關君晃輝。擬介紹劉壽華。(別字伯庶、年廿五、番禺小坪、三府前大清銀行、)入社。又擬介紹黃湛芝。(番禺菱塘、別字頌如、廿九歲、濠畔街大德通號、)入社。又徐君鏡波。擬介紹李金成。(鶴山古英人十八歲清風橋和陞入社均)均經由社長發調查矣 合并登佈。

●第二次開抽均益會紀事 四月十四日例會。乃開抽內益會日。隨即舉定鍾君敏學爲抽籤公正人。抽得者爲闕字號。查闕字號乃潘君仲達所投者。已照章另登特告。請潘君往本社會計處支回會本矣。

●担任月捐本社經費八誌 茲何君少豪。認月捐銀四毫。張君仲核。認月捐本社經費三毫。盧君約池。認月捐本社經費式毫。

●預交月捐本社經費四誌 茲謝君鈞彝。蔡君公服。各已將認定本社經費如數清交矣。認捐籌立社址經費廿二誌 茲張君仲棟。盧君約池。各認捐銀壹元云。按張盧二君。乃是期新列社員者。便能如是輕財。其熱度殊堪嘉尚。同人盡如二君。則本社自行建築。可繼日而成。不至自耗十餘元之租項矣。未捐者。與未認本社經費者。豈獨讓人專美耶。

●已交籌立社址款項廿二誌 茲張君仲棟。盧君約池。已將認定款項交清矣。

●已交二期基本金二十一誌 茲凌君清臣。徐君鏡波。陳君雲舫。各已將二期基本安交矣。未交者。豈未之聞耶。

●已交三期基本金三誌 茲潘君民悅。潘君仲達。陳君禮甫。陳君艸澤。梁君英生。君尤

堅操。呂君襄武。黎君夙永。何君少海。各已將應交二期基本遵照前議于四月限內清交

矣。本交者請勿逾限可也。

●已交相片者三十六誌 茲何君鐵珊。曹君祖仲。江君述堉。盧君約池。張君仲棧。各已將相片交懸會所矣。

●購社書特誌 茲楊君肇文。購去戊申年社書乙本云。該價已繳交會計矣。

●已領徵驗章號數三誌 (陳鑄魂一百一十一號) (盧君典四十八號) (譚伯恆一百二十四號) (盧拔茹五十三號) (李伯和七十二號) (岑石衡一百二十三號) (李植庭一百一十一號) (吳洽浦九十四號) (江述堉一百三十五號) (黃曉閣二號) (楊赤若九十六號) (楊敏達四十六號) (盧約池一百四十一號) (張仲棧一百四十二號) (聶樹楠一百三十七號) (勞挺枚一百三十八號) (陳洛畚一百三十六號) (何少豪三十六號) (葉貴挺八十五號) (盧偉民六號)

●領徵驗章備回價值者三誌 陳鑄魂盧君典譚伯恆勞挺枚岑石衡翟達權陳洛畚君均捐回價銀三毛云。止此徵驗章一物。便誰謂同人不熱心耶。

●寶貴徵驗章之一班 本社自將徵驗章發交同人。同人既領之後。異常珍重。并多有以之電金。常佩于身云。按同人寶貴徵驗章。電之以金。其心誠可嘉。惜未能一律電金間有參差耳。未電者不妨費數分金也。

●陳君立漢另營新業 同人陳君立漢。向在咸魚欄。現因與舊東另營新業。于油欄長隄建築茶樓。已辭舊席。該樓高分三層。光線甚足。清風四生。陳設甚為完備。餅食亦頗精良。店號羣英。已于廿四日開張。遊客大為歡迎。座為之滿。聞陳君于該行未大熟悉。同人業是行者如黎君夙永亦來省帮忙云。同人感情之深可見矣。并各將同人表更正可也。

●正誤 (社聞) 入社候查題內廣昌茲偈誤茲 又取銷均益會誌聞題內李伯和誤知 (

社說）互相維繫竭力吹噓論題內衆人之吸噓不足句吹誤吸（商業調查 政界偏袒自治抑勒商旅之奇聞題目偏誤倫（商業小說買著）題內盡子此謀之句于誤子又業愧囊螢螢誤營而成數十載積金不返之餘不誤必敗其器精細堅緻誤微

## 函 件

### 林偉泉上同志書

團體列位足下雄視 弟自入社以來。厚蒙不棄鄙陋。今春復派充廣西藤縣調查員。自問識學疎蕪。懼難稱職。但念社章所在。不得不勉盡義務。期副諸君子覬勉之厚情。夫本社之要着。在於商務實業上。互相研究。以通商戰之機關。同謀發達。而收協羣之效用。竊喜今者。社員日增。規模亦日規進步。吾社前途。良可欣頌也。

我國地大物博。何反瞠乎人後。毋亦輕賤商務。喪失利權。有以致之。觀於外貨流入日多。即我國民財輸出日竭。倘猶習尙因循。不與圖謀振奮。吾恐亡國奴之稱。行將實授矣。強鄰視我國爲熟睡肥豚。羣思鬻割。豈無故哉。然近視我國銳意圖強。前途似有足賀者。如詔設商會。振興工藝。保護實業。具有其文。要亦視我國民程度進化如何。乃能收其良美之效果也。同人勉旃。

右據林君來函。囑登社書。且言日間當將該埠貨物進出口情形。調查賜覽。如林君者。可謂以己事事社。誠足多矣。我社對於商務以協羣研究播良因。更當以同力合謀收美果。今日者。迨在種因時代。灌溉培植。同人與有責焉。言論研求。即灌溉本社之肥料。是本社之盼望。諸君子建言者。詎非甚殷。僕不才。於實業素所未經。效顰無技。每以爲慊。所願 諸君子時錫嘉猷。藉作他山之助。開僕茅塞。僕困惑之。而樹一社之風聲。

楊肇文上同人書

嗚呼。廿世紀之世界。一恐慌之時代也。丁此存亡危急之秋。商戰競爭之日。非羣策羣力。不足以占優勝於地球。非同德同心。不足以塞利權之漏卮。同人乎。其有愛國救羣之熱念乎。其有匡時良策之偉謀乎。本社顧名思義。初則曰協羣。繼則曰研究。良矣哉。吾社發起人之用心也。鄙人亦同人一份子。理當搜羅商業利弊。一塵清聽。以供諸君研究。以符本社主義。第學業荒蕪。識類井蛙。除敵行外。餘無別聞。足資紀錄。是以商業研究一層。諸恕弗論。惟協羣兩字。包涵頗廣。今姑就一方面爲同志陳之。

吾社以羣之名稱。同人之以協羣兩字。常印於腦海與否。蓋無從見。第以社書觀之。具見同人有痛商場凋弊。權利日失。發爲其論。藉資挽救者。嗚呼。痛之極矣。何以維持哉。亦惟有認定本社協羣之名。聯結同人協羣之心。一倡百和。聲應氣求。振興土貨。擴拓商場。既可收協羣之實效。亦可挽利權之外溢。諸君其以鄙見爲然否。如其然也。公定章程。實行辦法。自茲以後。凡吾社同人。動一欸。買一物。非我漢族同胞製造者。相戒勿購。不然。則本社雖有協羣之名。而同人無協羣之實。苟協羣而散渙。斯商業亦衰頹。倘更無研究之利益。則協而不協。羣而不羣。徒負虛名。結社何用。悲乎。同人如不欲本社振作也則已。如欲其振作也。則非達其協羣之實際不可。欲達夫實際之目的。非我各同人實行土貨又不可。今者既行於前。同胞復繼於後。務使土貨暢流。不翼而飛。亦挽狂瀾於既倒也。同人乎。其有聞某國惡黨派之言曰。謂干戈不動。而可得我支那大陸乎。豈非以商戰之利器而得我固有之領土乎。其會

記本社第四十八期社書登載日本注重我國商品乎。又曾記嘯海君之按語否乎。嗚呼。事求實際。毋托空言。世事無難。有爲若是。我願同人從此實行土貨。挽回利權。先與同胞作導師。謹此并請撰安四月十九日僕楊肇文上言

(清如按)中國自通商以還。彼碧眼蒼髯之流。遂攘奪我國金錢。歲中真不可以億兆計。嗟我國民。猶尙嬉酣如故。散渙如故。致令利權外溢。漏卮莫塞。可哀孰甚。雖近來士民。曾有聯結團體。斬售外貨。而美日之文明對待。仍屬虎頭蛇尾。無怪西人謂我國人辦事。無一毅力。非無因也。團體之不堅。合羣之不力。此其明徵矣。至吾國工藝素鮮講求。安於窳敗。卽間有振興。亦第知做效。不諳創作。豈真富於摹倣性質。拙於創作思想耶。毋亦民智未開。不識物質救國之義矣。須知處於商戰競爭世界。優勝劣敗。此天演之公例。勢所使然也。空言即實事之母。慎毋目之爲紙上談兵。

## 社說

### 蔡君公復上同志陳情書

(照來原稿)

同志我合衆兄弟鈞好 敬啓者 本社以殷憂國事。發起數年。對我同胞。毫無裨補。不特以毫無裨補。益且以自顧不暇。俯仰踟躕。天地蒼黃。凡此所以使我同志憂鬱不伸者。則多以我同志恒有於家之不保。經濟無何之爲之也。夫此不獲。亦覺何慙。去冬十月。始獲黃關二君籌議本社開辦會文軒收帶各埠對聯之設。庶於脍削同人脂膏之外。播一生機。泰更承我諸昆仲叔季不棄。委以兼司該軒總管理責任。然自是以來。亦凡兩閱月矣。自謂晝夜俱勞。而關黃二君亦心力焦瘁。茲亦毫無寸績。計凡開辦至

今。所代收者。僅得五場。溢利者。不逾六兩。而視之別家多尙已收至二三十場。而進款亦諒當在五六十元之上。此當在泰辦理未尙盡力之咎。關黃二君亦或有綢繆未盡完善之責也。忸怩奚如。然則以吾社會文軒之所以籌款者。如其艱。而他人之所獨運者。若是其易。豈果天功不可得。人力謂之何哉。吁嗟乎。雖然。泰幼嘗讀書。以即聞有人定勝天之語。然則以我百餘同肱共股之侶。而謂不能奏勝於他人。此不特泰所聞然驚。繼焉怒。抑亦我同志所終於恍惚徘徊猶豫而未敢長信者也。然則可不述其更進之方。對我同志有請乎。故今日者。爲我諸君告。凡所以力與推移者。則幸無金玉其音也。自今日始。特於每期社書。逢有我軒收帶各處聯招。務當各夾呈一份。則以我百餘人之相推。多助之至。來月者。泰雖不職。或亦可告慰我同志合衆兄弟也。言之無倫。尙祈鑒之。先將近期應收各聯目。表之如下。其亦我同志所樂自推廣者耶。計開

石灣選騷吟社。(天○○○○○○○○生)十一言夾聯一場。每比收銀一分五厘。首名袍金十二大員。四月廿八日截。列百五十名。象岡聯詠社(翠拾何妨先約友)一場。每比收銀一分八厘。首名袍金二十大員。五月初一日截。列二百名。江村集吟社。(龍賽欣看同尙武)一場。每比收銀三分六厘。首名袍金四大員。五月初六日即夕截。列二百名。佛山百鹿軒。(藥施通期全療恙)一場。每比收銀一分五厘。首名袍金十二大員。五月初七日截。列百五十名。陳村清涌公所。(龍賽尤欣先奪幟)一場。每比收銀三分六厘。首名袍金五十大員。五月十一日即夕截。列三百名。龍山研騷社。(漢賽又思騷廣助)一場。每比收銀三分六厘。首名袍金四大員。五月二十日即夕截。列二百名。已上僅就吾軒現在所有各招登報。如後再有。容當續告。抑者。再聞關黃

## 協 羣 商 業 研 究 書

二君。曾爲本社會文軒。營謀發達之故。遂發出去月截列研騷社。(鶯打每緣驚妾夢)一場。各虧去銀數兩。則誰實使之。孰令致之。抑可慨矣。因前日關黃二君。恐獨力難支。美乎莫繼。擬做各善團之例。由會文軒自出聯場。各同人認助謝教。所收入卷資。即以概歸本社。經於前日獻議。當時同人情形本末。多慮生意不敷。然亦有慨然犧牲直作公益之義。爲本社唱導後圖者。計開認助銀物各君如下。俞愷儔捐助藥品。關晃堉黃清如捐助赤職合五枝。朱典五蔡公復捐助謝教銀各五毫。并記其所擬聯目謝教即夕兩場聯目不記憶每場約共派謝教銀一百四十元。此皆各善團均有此辦法。如陳村赤十字會籌款。亦如此等辦法。今關黃二君意欲做造其美。此其對於本社籌款之意。亦盡至矣。雖然。以本社同人願力。其能企及於他羣否。竊所未知。卽能企及。亦竊以爲非可長久之策。就會文軒尙不能自出聯場。亦終不易騰達。此弟受事以來。所訪諸騷人而皆然者。故本城與蘭居。能爲收聯各號領袖。年入乾脩至四五百元。其所出之聯。亦溢至三四百元。則可應照由捐助之法。變通認股。先招一二百元。或三四元試辦。則庶公私兩益。或爲久也。二君以爲如何。抑弟欲再有請者。則以二十七日社書。黃君有建設布店之論。迄今兩月。條理辦法。未覩再議。又二十八期社書。有何俞徐楊朱關劉潘李吳黃各君。担任開辦商務維持報之發起。然以副社長之故。聞且收回該議。一何令人之惑甚也。夫副社長不願附名。當或士各有志。卽不然。亦豈能因噎廢食。本社今日經費。雖仍有少數未認。然幸已得同志踴躍聯袂慨認爲多。願預決兩算。已大局粗定。後入社及前來認者。豈能終視無覩。則本年經費不敷一層。可以稍釋同人之憂疑。則今日所宜豫暇措籌。在擴張本社前途與各業者也。是此商務維持報一端。尤最重益。願吾發起諸君。其終始清談棧模虎頭蛇尾之誦乎。吾欲執鞭

以爲舉策。而吾尤望者。則凡我同人對於擴張本社前途之道。有一得之知。亦宜言議力隨。本社或庶不終滅乎。忝屬社員一份子弟公復蔡承泰謹上。

少海按。右稿乃四月初一所來。昨期未及登刊。相遲十日。復接蔡君函辭出洋之舉。乃竟棄我如遺。豈蔡君初意哉。吾用是爲蔡君之賀。因亦爲予社有所失也。雖然。予今覆按蔡君對於會文軒此函。拳拳爲本書生利之致意。予不敏。敢請後任者將每場聯首查照登錄。以竟蔡君之志。備同人之吹噓。若夫振興本社事業。吾亦欲與發議諸君共勉旃也。

## 論職員紛紛告退其如本社之前途何

雲 臺

凡人經營一事業也。無論爲鉅爲纖。而其將來之成敗。收效之難易。恒視其思理之疏密。人才之繁簡。能力之多寡爲比例差。思理周詳。人才奧曠。能力偉大。與其所遭之外緣相應。則事成而收效易。思理蹇淺。人才單簡。能力薄弱。與其所遇之事變不相副。則失敗易而收效難。由前之說。則即哲種文功迸發國力之總因也。由後之說。則即我國貧弱之總因也。一國之事如是一社之事亦何獨不然。自十九世紀海禁交通以後。世界文明愈進。斯滅人家國之術日益精。故各國有鑒於是。皆汲汲焉謀商業之進步。其始經營商業。其後則以國家之權力保護之。浸假而漸施其政治於商業地。又浸假而漸施其政治上之霸權。現於二十世紀之世界。幾成商業戰爭之一部。稷血史。吾人只知疾首蹙額。居于嗚呼派之列。吾不知日言協羣。日言研究商業。果何在也。沈沈商界。亦可哀矣。

雄雞一聲。奇花忽現。協羣商業研究社之名詞出世。斯社也。何由而興乎。毋亦久散思聚。久亂思治乎。吾對於商界具無量之感情。即對於斯社亦具無量之感情。吾聞斯

社興。不禁距躍三百。而祝其前途之如荼如錦也。然吾怒然而思。蹙然而憂。隱然有岌岌可慮之意。其故安在哉。即職員紛紛告退是矣。溯本社發起於丙午。迄至今日。已數易寒暑於茲矣。然其創始之艱難。籌辦之困苦。始由幼稚時代。進而爲赤子時代。皆賴職員之赤心熱血有以致之。將來而童而壯。方且殫其精力。竭其才能。圖謀之不暇。維持之未已。不意閱連期社書。職員竟紛紛上書辭退。噫、本社前途。尙堪問耶。况此社究屬狹而未廣。僅足以籌補救。未足以言成立。稟官存案。籌立基址。仍爲亟不容緩之舉。所賴同人具熱心以維持。謀此會以奮興。正如顧崑山所謂松柏後彫於歲寒。雞鳴不已於風雨而已耳。譬諸製磁然者。吾國磁泥雖天產。然其造器窳惡。花式陳舊。輸出之數遂日減。法國賒泥磁廠。亦自我國購也。然工精式巧。遂爲全歐冠。夫本質猶磁泥也。製器其現象也。同一本質。因人事設施之良否。其效果乃大異。本社辦事職員。得毋類是耶。夫本社每屆職員。均投票選舉者。固自以爲得人矣。今竟紛紛告退。爲唯一無二者。首本者何歟。非以事務繁多。不暇經理爲搪塞者乎。然則吾同人能有專爲本社辦事之耶。吾恐無有也。既不能專而本社辦事。其各有職業可知矣。今以一人辭退。另行選舉接充。兩人辭退又另行選舉接充。豈不大費躊躇耶。况且本社人才雖多。能出而任事者甚少。設使一人辭之。十人繼辭。一人退之。十人並退。然則社事將歸於誰。吾同人豈真好入社而不好辦事者乎。又豈真聽其減色。爲一若漠不相關者乎。吾未見其可也。則吾爲本社之前途賀。轉而爲本社之前途悲矣。鄙人無才。忖思自入社以來。於社事毫無裨補。愧人多矣。今春辱承選舉。忝列職員。曾上書告辭。今竟童知慮此。者反教人爲。鄙人自知不免也。今既有動於中。不得不宣之於口。尤望同人以本社創始之艱難爲念。籌辦之困苦爲懷。幸勿以小故而萌退

商業調查

上海錢業日見衰落

贊武

上海南市錢業原有數十家。近因生意日見跌落。加以邇來錢價日益高昂。又被外人轉移各國。故年來營是業者。日形稀少。且我國錢業一事。素無研究。不事改良。至今歲僅有十家云。噫抑何一蹶不振之至於此也。錢業之衰落。能不爲各業之憂哉。

(贊武按)錢業爲各業之樞紐。商務所關。殊非淺鮮。我國自與泰西通商以來。往來貿易。百貨流通。而中國錢幣之流出外洋者。實不可以數計。此進口出口之貨利。皆爲彼所奪矣。况上海實爲中國通商繁盛之區。而時人又以五洲自倫敦以外。以上海列第二數。其如斯之盛。可想見矣。今觀于上海錢業之衰落。而知我國國計貧弱之所由也。無怪各省之錢莊。虧空傾倒。時有所聞。然中國幣制之敗壞。莫今日若也。而幣制之壞。非獨錢業爲然。舉凡金銀諸弊。無不皆然矣。且自外人洋銀輸入。日漸消暢。而我國錢業。日供於彼。故有一蹶不振之勢。若不及早設法整頓。勢必至有不可收拾之勢。後患何堪設想哉。此有心世道者。所以撫髀握腕。而長大息者也。熱心商務家。其可忽諸乎。吾書及此。不特爲上海市面前途憂。更不得不爲中國商業前途憂也。

德國商業之發達

柏林電云。德國進出口商業。今歲均較去年發達。茲有查其統計表者。據稱一九一零年正

月進口貨。共值英金三十四兆零五萬四千五百磅。較諸一九零九年正月。多增三兆二十四萬四千五百磅。出口貨。共值英金六十七兆十四萬磅。亦較去年多增二兆八十四萬磅云。  
 (贊武按) 商業者國家之元氣。夫人而知。曠觀環球各國。其商業最繁盛者則其國最富強。可知處今之世。微商業不足以立國也明矣。故泰西列強之滅人國也。不以兵而以商。且國內凡殷商富買者。輒目爲體面人。准充議政局員。其重商也如此。是則其縱橫四海。利擅六洲。而富強若是。其以此乎。今觀德國商業之發達。更益信而無疑矣。奈何我國素以商爲四民之末。沿之數千百年。嘗本抑末之敝說。中于人心。于是銜之厲之。窘之辱之。至漢更有令買人不得衣絲乘車。加租稅以困辱之。信乎積弱之難返也。鄙人披近十年來之報紙。而與外人交涉。無不著着失敗。其喪權辱國之事。奚堪俚指。此國之所以致貧且弱也。宜乎。

## 鶴山菸業之近況

襄武

鶴山一邑出品。以菸茶爲大宗。近則茶務不知改良。已形退化。所恃而爲生命之延者。厥惟菸葉。攷鶴山業菸者。約十五六萬家。歲入幾百七八萬。該邑之菸。以芸蓼一隅所產者稱最。味濃而香。嗜此者以爲得未曾有。次則古蠶所產。味香而純甜。吸後香留齒頰。甜透咽喉。非妄語也。以僕之不嗜此。吸之猶不覺其味強。祇覺喉甜舌潤。視派律等菸捲之香淫味燥。誠霄壤判。近來清遠之源潭。江西之驛前。每有菸出。味不及鶴菸之香濃。而成貨比其高。故鶴菸每被奪席。蓋業菸絲者利成貨之高。嗜菸者又鮮講求菸味。斯鶴菸不得不年形退化焉。光緒廿六七年間。鶴菸每担。價至廿五六元。近則雖甚暢銷。亦不過十五六元之數。乃源潭驛前之菸。價出其上。此天演公例所同然。無事不宜改良也。然聞鶴菸所以不至盡爲他人奪席者。蓋亦另有一種特質。云辦菸出洋。荷程遙期久。則他處菸必以

有願久而價味變。非得鶴菸蓋藏之。不獲保存也。故年中雲夢古蠶所出之上煙。恒爲朱廣蘭羅有記等洋庄店採辦幾盡。鶴菸價漲落之權。恒握其手。若本省如劉馨利等所沽之鶴菸。則恒其下焉者耳。非優品也。近有陸廣勤者。稟擬承辦全省煙草捐。每煙一担。抽銀三元。又每創一架。月抽一元。更每一業烟店。年抽牌費十二元。苛細擾民。爲虎作倂固可憤。而年來外國烟捲盛行。又抽不之及。是使土煙昂滯。煙而外煙益暢。爲叢毆爵尤可憤也。聞省烟絲行經陳請諮議局建議免抽。而鶴山特煙爲生命。復經鶴山烟行公和堂投請鶴山商務分會轉達。僕職任所在。且爲桑梓生。計延絕一線計因即爲轉達。茲將轉達原文擇錄。俾知煙務之概情。且以供留心商業者之研究焉。轉達原文。擇錄如下。

（上略）查煙草一項。外國多目爲消耗品。稅率從重。此自消煙之國言之。非自產煙之國言之也。蓋消煙之國耗及國財。因特重其稅率。以殺外入之勢。而制限本國之耗消。此消煙國所宜然。至若產煙之國。方恃此爲種植品。以收國外之利。詎反重稅而自困。即自產而自消之。所消者仍納諸國內。以經濟學言。初未爲耗也。今職商陸廣勤。以煙爲消耗品。宜從重稅。寓禁於征爲言。具章請承全省烟草捐。雖未獲奉憲批。商人已駭苛擾。無論以我國自產之煙爲消耗品。率多誤會。即寓禁於征之意。一自承商發之。尤覺言不由衷。該商稟擬承辦十年。原爲利來。方期卷日多而利日厚。詎反欲因征而禁絕。自取負累。僞飾之言。果將誰欺。抑尤有慮者。年來外國烟捲盛行。土煙已形衰落。所幸烟捲價昂。未易購吸。國人嗜烟成性。故猶有取于土煙。若土煙承捐。是於向有厘金台礮經費及部加三成等餉外。復爲每担每創每店之抽剝。竊恐土煙既因捐而價昂。以價昂而市淡。以市淡而種絕。斯寓禁於征之目雖達。而國人嗜烟之習性如常。勢不盡毆而歸諸烟捲一途不已。捐項中輟不足惜。獨惜以歲二十萬元未能終收之襍捐。絕此百數十

萬人已成之生計。乃猶不獲收禁吸之效。祇爲叢爵之毆。斯真消耗無窮。欲捐不得。欲禁無從。爲可哀也。敵邑土地高亢。種植宜煙。統敵邑之種植家營業家。胥以煙爲生命。設煙草成捐。勢必價昂而滯。欲別謀他項。則土地有所未宜。欲仍業於斯。則貲本且虞其缺。敵邑業此者。幾十五六萬家。將因捐而失業。情形之慘。恐亦他處所同。然而要以敵邑爲尤甚。年來敵邑農商兩界。凋敝已形。誠有各該公和堂商等投詞所云云。敵邑出產。煙爲大宗設更成捐。其敵彌甚。固不特種煙業煙之家。直接受害。即其他農商各界。亦無不蒙間接影响。而交處困敝。敵分會有維持商務之責。敵邑商務。卽首推煙草。既據該公和堂商等具投前來。因亟詳查無異。大集會員。公同籌議。僉稱宜力與維持。據情轉呈核免。查該承商承捐煙草。餉銀所得。歲不過二十萬元。在大憲統籌餉稅。實覺爲苛細之抽。自予駁斥。在小民生計已艱。捐成斯絕。無怪存疑慮之懷。矧前經湯沛霖稟承烟絲創捐。業蒙大憲查覆得實。牌示免議。復于部議籌加烟酒捐案內。亦蒙岑前督憲奏請免抽。該商陸廣勤。此次復擬承捐。未免重征擾民。搜及苛細。巧爲嘗試。(畧)牒請查照轉達察核。如復有人承捐煙草。准予批斥不行以重民生。而免疑慮。(略)

## 英人欲以免釐疏通商業

雲 臺

據外部人云。鄂省英商。近因稅重。諸貨滯銷。稟請駐京英使。要求暫免稅釐。以期疏通商業。經英使據情照會外部。各部堂以此事須俟與稅務處。暨度支部會商。方能照覆。

雲臺按。釐金爲阻礙商業之弊政。士商素習相安。雖阻礙而無大關繫。洋商則情形非悉。毫無把握。實抑壓洋貨之一大機關也。苟洋貨與土貨一律完釐。尙足以支持土商。待土貨暢銷。能抵敵洋貨之日。然後別除釐金弊政。未爲晚也。今尙非其時也。若逕詢外人之請。洋貨免而土貨仍舊。則其弊更不堪言矣。